

Broj: 01-04-13-01148/2022
Datum, 04.03.2022.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI DOM

n/p- tajnik Ivan Miličević

Veza: Vaš akt br. 05/1-02-67/22 od 28.02.2022.godine

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

Primljeno: 09-03-2022			
Org. Jed.	Broj	Priloga	Vrijednost
05/1	-02-	67	122

n/p- zastupnica Miomirka Melank

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE FBiH
n/p- sekretarka Edita Kalajdžić, mr. sci.

PREDMET: Odgovor u vezi zastupničke inicijative zastupnice Miomirke Melank, dostavlja se

Poštovani,

Federalna uprava za inspeksijske poslove zaprimila je dana 02.03.2022.godine, akt gornji broj, koji je inicijativa koju je podnijela zastupnica Miomirka Melank, upućena Federalnom inspektoratu rada ove Uprave, da u skladu sa sistematizacijom izvrši popunjavanje upražnjenih inspektorskih mjesta, odnosno, da poveća broj inspektora u ovom Inspektoratu sa tri na sedam.

Vezano za predmetnu inicijativu, ovim putem, uvaženu zastupnicu moramo podsjetiti na odredbe Zakona o radu („Službene novine Federacije BiH“ broj:26/16 i 89/18) čijim odredbama je između ostalih, utvrđena i nadležnost federalnih i kantonalnih inspektora rada koji su nadležni za vršenje inspeksijskog nadzora nad provođenjem ovog zakona.

Naime, odredbama ovog zakona u članovima od 159. do čl. 162., Glava XX, regulisan je Nadzor nad primjenom Zakona o radu, gdje su članom 159. Regulisane dužnosti inspekcije rada, članom 160.nadležnosti federalnog inspektora rada, članom 161.nadležnosti kantonalnog inspektora rada, te članom 162. odredbe o provođenju inspeksijskog nadzora.

Kada je nadležnost federalne inspekcije rada u pitanju, kod nadzora po Zakonu o radu Federacije BiH, utvrđeno je **da federalni inspektor rada obavlja neposredan inspekcijski nadzor u privrednim društvima, preduzećima i ustanovama od interesa za Federaciju BiH.**

Zvanično preciznije određenje koji su to subjekti nadzora od "interesa za Federaciju BiH" nije utvrđeno posebnim aktom, ali se navedene odredbe Zakona o radu Federacije BiH u praksi tumače na način, da je federalna inspekcija za rad i radne odnose nadležna da vrši nadzor kod onih subjekata kod kojih je Vlada Federacije BiH osnivač, kod privrednih društava sa učešćem državnog kapitala iz nadležnosti Federacije odnosno, kod kojih Vlada Federacije shodno Uredbi¹ o vršenju ovlaštenja u privrednim društvima sa učešćem državnog kapitala iz nadležnosti Federacije BiH, utvrđuje listu privrednih društava u kojima vrši ovlaštenja na osnovu učešća državnog kapitala iz nadležnosti Federacije.

Ovo su dakle subjekti, kod kojih nadzore iz oblasti rada i radnih odnosa, obavljaju federalni inspektori rada, što znači da je broj subjekata kod kojih se imaju obavljati nadzori u primjeni ovog zakona, znatno manji (sužen) u odnosu na subjekte kod kojih nadzore obavljaju kantonalni inspektori rada. To su i inače subjekti kod kojih se rijetko može utvrditi kršenje odredbi, nelegalno zapošljavanje i slično.

Naprijed iznešeno, su i objektivni razlozi, zbog čega je postojeći administrativni kapacitet ove inspekcije zadovoljavajući, tj. nema potrebe za kadrovskim osnaživanjem ovog Inspektorata s obzirom na zakonom sužen obim nadležnosti federalne inspekcije rada.

S poštovanjem,

Dostavljeno:

1 x tajnik- Ivan Miličević

1 x zastupnica -Miomirka Melank

1 x sekretarka Vlade FBiH- mr. sci. Edita Kalajdžić

1 x a/a



DIREKTOR

Anis Ajdinović

¹ Uredba o vršenju ovlaštenja u privrednim društvima sa učešćem državnog kapitala iz nadležnosti Federacije BiH ("Službene novine FBiH", broj:20/16; 3/17; 9/17; 69/17) kojom se uređuje vršenje ovlaštenja na osnovu učešća državnog kapitala u privrednim društvima Federacije BiH, upravni nadzor, nadzor nad općim aktima i posebne odredbe o postupku u registrima.